

食也

黃茂材曰天言豈一端而足哉老子之道本以貴生今云無以生爲者以民矜生大厚鄭有公孫朝公孫穆二人者極其酒色之欲問之則曰生難遇將以盡吾一生之權此言所以祛其惑耶

程大昌曰簞食瓢飲亦可以飽而必以食前方丈爲事則失於太厚也充方丈之食而推其所自來則豈其易辦也哉攫金忘人犯龍而探珠折一臂而期得國亦將甘心爲之雖水火兵刃悉皆無避則或因生生以致喪生也

人之生章第七十六

道藏輯要

道德真經
彭鶴林集註

聖

心集八

人之生也柔弱其死也堅強草木之生也柔脆其死也枯槁故堅強者死之徒也柔弱生之徒也

御注曰萬物負陰而抱陽沖氣以爲和陽以發生爲德陰以肅殺爲事方其肅殺則沖和喪矣故曰堅強者死之徒柔弱生之徒

碧虛子陳景元曰民之生也含元和之氣抱真一之精形全神王故其百骸柔弱也及其死也元和之氣散而真一之精竭形虧神亡故其百骸堅強也無情者以氣聚散爲榮枯有識者以道存亡爲生死開元疏曰草木生則柔脆死則堅強則知人爲堅強之行者是入死之徒也爲柔弱之行者是出

生之類爾巖君平曰陽氣之所居木可卷而草可結也陽氣之所去水可凝而冰可拆也故神明陽氣生之根也柔弱物之藥也柔弱和順長生之具而神明陽氣之所託也萬物隨陽氣以柔弱也故堅強實滿死之形象也柔弱潤滑生之區宅也

顏濱蘇轍曰沖氣在焉則體無堅強之病至理在焉則事無堅強之累

是以兵強則不勝木強則共故堅強居下柔弱處上

御注曰拱把之桐梓人皆知養之強則伐而共之矣柔之勝剛弱之勝強老氏之道術有在於是莊子曰以濡弱謙下爲

道藏輯要

道德真經
彭鶴林集註

聖

心集八
川文

表

碧虛子陳景元曰夫兵者所謂凶險之器鬪爭之具所觸之境與敵對者也故兵強則主不憂主不憂則將驕將驕則卒暴夫以不憂之君御驕將以驕將臨暴卒且敗覆之不暇何勝敵之有哉故夏商之裔以百萬之師而傾四海始皇之末以一統之業而喪九州項羽忽霸而遽亡王莽旣篡而旋滅符堅狼狽於淮上隋煬分崩於楚宮此數家之兵皆多至數兆少猶數億無不自恃其成以取其敗此皆兵強則不勝之

明驗也

臨川王安石曰共者不順之辭故曰木強則共

王雱曰伐而共之

達真子曰用兵有言不敢為主而為客不敢進寸而退尺善勝敵者不爭皆意不在於強也是以兵強則不勝者此也木之強則必人共伐兵以柔弱致其勝木以柔弱致其存是以堅強可居其下而柔弱可處其上也是人之立性固不異此

類濱蘇轍曰物之常理精者在上粗者在下其精必柔弱其粗必剛強

黃茂材曰列子載老聃之言曰兵強則滅木強則折列子之書大抵祖述老子之意且其世相去不遠木強則折其文為順今作共又讀如拱其說不通當以列子之書為正

道藏輯要

道德真經
彭鶴林集註

聖

心集八
十一

葉夢得曰此有道以佐人主者所以不欲以兵強天下也

天之道章第七十七

天之道其猶張弓乎高者抑之下者舉之有餘者損之不足者補之天之道損有餘補不足人之道則不然損不足而奉有餘御注曰道無益損物有盈虛注焉而不滿酌焉而不竭者聖人之所保也降而生物則天下盈虛與時消息而况於人乎天之道以中為至故高者抑之不至有餘下者舉之不至於不足將來者進成功者退四時運行各得其序滿招損謙得益時乃天道

碧虛子陳景元曰嚴君平曰夫工人之為弓也無殺無生無